


**ORATIO DE  
LAUDIBUS  
THEOLOGIAE  
HABITA IN  
ECCLESIA...**

---

Giacinto Gucci



1010. 24








X X X 2111

CVCC.

ORATIO  
DE LAVDIBVS  
THEOLOGIAE  
HABITA IN ECCLESIA SANCTISS.  
TRINITATIS FLORENTIAE

*Decimotertio Kalendas Nouembris, iussu, & auspicijs Domini  
Fidelis de Corsettis Ordinis Vallisumbrosae Doctōris  
Theologi, ac tum temporis Theologorum Decani,*

A D. Hyacintho Guccio eiusdem Ordinis.



---

FLORENTIAE,  
APVD BARTHOLOMAEVM SERMARTELLIVM,  
ET FRATRES. MD CXIII.







# DE LAVDIBVS THEOLOGIAE HABITA IN ECCLESIA SANCTISS. TRINITATIS FLORENTIAE

*Decimotertio Kalendas Nouembris, iussu, & auspicijs Domini  
Fidelis de Corsetti Ordinis Vallisumbrosae Doctoris  
Theologi, ac tum temporis Theologorum Decani,*

*A D. Hyacintho Guccio eiusdem Ordinis.*



DIFFICILEM admodum, ac laboriosam mihi delatam prouinciam (inclite cōfessus) scilicet laudes Theologicæ scientiæ pro rostris æclamandi, cum sæpius mentē reuoluerem, frigidus timor illicò per præcordia obrepens ab incæpto, vt quàm citiùs desisterem, admonbat, quatenus tantorum virorum maiestati parem afferre animi magnitudinem, ac tantę Theologorum ac sapiētum coronę me haudquaquàm satisfacere posse considerem. Missam facio huius facultatis amplitudinem, de quā quidem (non secus ac Diuo Augustino de Trinitate scribenti contigit) exsiccare maria mihi differenti oppidò facilius foret; quòtusquisque enim homo ingenij est, licèt mirabi.



ab ipsa an differat haud dignosci queat. Dicite, oro vos, viri sapientes, qui ab ineunte ferè etate eam cōplexuri conquisiuistis, nonnè tabulam intellectus vestri abrasam, ac vndequaque penitus perpolitam, cum primùm lineis huius diuinæ scientiæ, nullis catenulis lituris inficiendam decorastis; nonnè inquam diuinum quippiam induistis? inde vobis exactissima munia, primæ sedes, officia, dignitates in explicandis ambagibus ad vos recursus, sepius contigit; sed quod plurimi sit vera cognitio rerum, de æterna patria germana loquutio, supernorum spirituum quā creberrima adloquutio, cœlestium arcanorū perfectæ reuelatio ac veri Dei bptima agnitio, non paucis huius scientiæ affectis facta est. Potuit (fateor) inuidus ille serpens, humanæ reipublice hostis antiquus, ficta naturalis sophiæ persona decorus, miseros vndequaque mortales per labyrinthacos anfractus ludibrio traducere, & faucibus atrocissimæ bestię, propriæ sententiæ falsitate deceptos absorbendos allicere; cum bestiarum, altitium, serpētum, ac ceterorum millium portentosa numina, posthabita veri Dei latria, honore cœlico prosequi, illis sacrum ignem accendi, incensum offerri, thymiama litari imprimis compulerit; sed vbi primùm orbis seruatorem, ac huius scientiæ largitorem aduentasse comparij, cunctis viribus destitutus est; quippè qui propria arma retundi, & virium suarum in aethram fieri, si huic, per quā verus Dei cultus reuifcat, operam mortales nauent, dignouit quam optime. Nec satis fuit tartarea monstra, detestabili prole fecunda, diuersis partibus impios Nestorios, sacrilegos Vigilantios, hereticos Manicheos, ac ceterum his similia teterrima monstra, ut huius veritatis dignitatem pessum pro viribus darent, ac Maiestatem eius, spurcissimis blasphemiarum periurijs delibutam cœno immundo vsquè ad internecionem obuolueret, enixa esse; Etenim optimam filiam in virginalibus diuinis claustris, eterno puerperio conceptam, imperiscrutabili partu editam, ac in mundum, ut inter Deum, & homines indissolubile amoris fœdus pangat, ab intinuis penetralibus dimissam, impijs manibus tam turpiter atrectari, immundis labijs tam impiè agi, virginali flore tãquam destitutā inter mortales distineri, & id Deum consultò reticere nusquam credendum est; quin inconcussę veritatis stēmate, tanquam gentilitio decoratam, virorum fide fortiū, charitate splendentium, scientia micantium multiplici stipatam ceterua, cœu Davidis turrem silice angulari fundatam milliū clipeorum hostili spolio insignitam, contra impiam Damascum, nempe hæreticorum



riorum sedem, respicere curavit. O fortia lumina, ad quorum  
 solum intuitum exterrita inimicorum agmina profligantur. Di-  
 cite vos huius veritatis testes vrbis Ierosolymorum, & ceterae quae  
 statim ac Theologicarum assertionum theses, labijs illustrium  
 virorum dilucidatas audistis, subita inimicorum Dei depressio-  
 nem, actibus conciliorum peractam, quam citius vidistis. Agite,  
 ubi sunt veteres illae haereticorum sententiae, quae ubi primum ado-  
 levere, neutiquam viriles factae, ad illae theologiae trophaea multiplican-  
 da prognatae videbantur. O solam praeter ceteris imperio dignam  
 Theologiam. Tu suavis Zephyrus quo catholica navis, merci-  
 bus coelestibus referta, longe a Scyllae & Charybdeos scopulis, ra-  
 ptas vorantibus, ac fractas remonentibus carinas, per vastum pe-  
 lagus vehitur, dulciter admodum, ac perutiliter afflans. Tu fir-  
 missima columna, qua templum Dei, nullam diuturnitatis iactu-  
 ram unquam perpeffurum, fulcitur, ad regitur, immobilis perma-  
 nens. Tu regis gloriae thalamus, in quo verus Salomon in stra-  
 tis eburneis requiescit, sexaginta viris fortibus, ad nocturnos he-  
 reticorum timores propellendos, ambitus ac circumdatus. Tu  
 immensae Trinitatis thronus altissimis illius operibus, tum inti-  
 mis quàm exteris praefulgens, ad coelestia dona, nobis adhuc a-  
 tra caligine obductis, impertienda potissimum paratus. O  
 quam gloriose mihi factum est hodie, cui, dum huius divinae fa-  
 cultatis celeberrimam memoriam, aeternitati quam maxime iu-  
 ctam, ad calculos relocare contendo, summo Deo, summas gra-  
 tias, ob maxima in me collata beneficia, peragere contigit.  
 Quotusquisque enim tantae soliditatis homo est, qui filium egre-  
 gia indole natum, optimis moribus adultum, insigni expectatio-  
 ne virum celebrans, patris gloriam haud reticere non agnoscat?  
 Eia, agite, si alicuius nobilissime foeminae laudes dicatis, nonne  
 à patria, parentibus, & ipsius pulchritudine exordium sumetis? por-  
 rò si huius patria, parentes, ac species extollenda est, Deum qui-  
 dem, à quo omnia bona sua se percepisse fatetur, laude cumu-  
 labimus. Hæc mirra, & immensa nobilitas est, quæ non poetarum  
 carminibus, non annalium monumentis, sed suimetipsum meri-  
 tis expenditur? Deficerem, hercule in via, si immensum hoc  
 iter? scilicet præclarum Theologiae panegyricum impresentiarum  
 clamando, emittiri satagerem, praesertim cum de maxima glo-  
 ria, & nobilitate, quæ quisque eam possidendo cohonestatur, ser-  
 mo mihi futurus sit.

Trahimur omnes laudis studio, & unusquisque maxime gloria  
 duci-



ducitur; quod, ut obtinerent, alij auroꝝ stemmata obliuioni iā tradita, alij militiæ insignia, parentum sanguine parta diligentius disquisuere; mihi verò id medijs virtutibus assequi satius probatur, quod quidem tanti fecerunt, qui primæuam ætatem incoluere, ut Pythagoras Samius proprijs laribus derelictis per Aegyptum, Cretam, ac Lacædemonem, ad illius oræ sapientes inuisendos, iter habuerit; Plato Italiam, & Aegyptum ex Athenis percurrerit. Apollonius item Tyaneus longinquissimas regiones peragranit; tanta, enim est sapientiæ dulcedo, tam gloriosa possessio, tam utilis exercitatio eius, tam diuinus amor fructus illius, tam secura quies in eius contemplatione, ut omnes homines eam adipiscendi, vel naturali desiderio teneantur. Per hanc scientiarum, & disciplinarum inuētores, nomē deorum adepti, quòd scilicet beneficio humano generi exhibito, & propria excellentia dij viderētur, tametsi quòd alieno dono fruerentur, à Deo optimo maximo multum differrent; apud homines, qui sepius falluntur imagine recti, æternæ ac summæ potentie dignitatem sibi comparauere. Cedò quæ maior gloria, post hominum memoriam, vel visa, vel audita, vel quæsitæ est, quæ virtutum, ac literarum nobilitati comparata huic dextram non porrigat? Non igitur mirum est, si Macedonum magnus ille Imperator Alexander Homeri opera, quæ nempe æternitate digna cum animaduerneret, obscuro, ac sordido loco, tinearum dentibus demolienda non fuit, sed scrinio, quo Darius Persarum Rex pretiosius omne asseruare solebat, gloriosius conclusit? Omitto prudens quantam gloriam sibi vindicatam adiudicauerit Ptolemæus ille Philadelphus; qui bibliothecam, ubique terrarum memorandam, libris vndique maximis pretijs cōquisitis refertam, ac pluris regno æstimatam, construxit, in qua septingenta millia Codicum volumina coëgisse memoriæ proditur. Quid dicam de statuis, obeliscis, arcubus, mausoleis, monumentis, ac penè infinitis tropheis, soli virtuti, & scientiarum cultoribus, nulla temporum iniuria vnquam collabendis, permagnificè erectis? Beroso Astrologo, quòd prædictiones eius veræ essent, statuam cum lingua aurea Athenienses in gymnasium posuere. Phalaris tyrannus Stesichorum Poëtam, qui in eum iniuriarum non minimo conuicio debacchatus fuerat, cum captiuum haberet, ac in malam crucem abducturum comminatus fuisset, liberum reddidit, plus sapientiæ soli tribuens, quàm potentie, quàm vindictæ, quàm iniuriæ, quàm iracundiæ.



## *Oratio de laudibus Theologia.* 59

quo incomparabiliter in discipulos tanto maior, quam in ceteros quosque qui sibi mortales adsciscunt Magistros, dignitas dimanat; quanto quisque inexhaustum diuinę sapientię fontem, vel minimis riuulis præponit. Quid audiri potest mirabilius? quid videri iucundius? quid obtineri suauius?

Agè nunc illa videamus, quæ in hac scientia vtilitati, prouentui, ac fructui maximè conferunt. Quòd vnumquodque sit de sua salute sollicitum natura instinctu quodam cunctis viuentibus tribuit; verum enimuerò os homini sublime dedit, cœlumque videre, iussit, & erectos ad sydera tollere vultus, sic cecinit Poëta; vt differat à iumentis, quæ ad terram prona, ac ventri obedientia finxit, eò scilicet, quòd humana salus longè quidem à corpore, ac cœlesti beatitudini iuncta, tota in visione Dei, nunquam deficienda reponatur. Sed bone Deus, licet thesaurum hunc incomparabilem nostrę salutis, venam indeficientem tuę gratiæ, Mare inexhaustum tuę gloriæ in extremis Paradisi finibus, difficillimè consequenda, posuisse videre, attamen altissimam scalam, purpura tui sanguinis rubricatam, ligno, cui affixus fuisti affabrè factam, mille gradibus tùm virtutum, quùm præceptorum locupletatam, sanctam nempe Theologiam, qua cœlum scandere, & inaccessa gloria potiri valeamus, nobis amiccè dedisti. Estò disertissimè cœtus, quid vobis potissimum, cum Philosophiam perdiscitis vt illam cum gaudio, & spe prouentus retinere cogamini, ob oculos proponitur? profectò scientia naturalium, scilicet motus, & quietis, & ceterorum, quorum dum naturam noueritis, vitam amittitis; at in hac, si optimè possideatur, cognitio ob mentis oculos describitur veri Dei, cuius dū voluntatem perficitis, vitam lucraminis. Iuret igitur vti libet in verba Aristotelica Peripatheticus discipulus, & mordicus vti volet, dogmata Stagiritica sustineat; mihi enim est tanti, sanctam doctrinam docendus, inter tirones huius incliti collegij cooptari. Sed vos felices, ac terquē quaterquē beatos viros Theologos, qui sapientiæ dixistis soror mea es, & prudentiam vocastis amicam vestram; rati, nec falsò, immensam gloriam, & mundanam, & cœlestem quęstuosę beatitudini iunctam fore vos consequuturos. Sint sanè ergò illa magna de ceteris scientijs iactata, quæ re vera magna sunt, de iudicio tamen ingenij mei, vt volet quisque iudicet, ego enim hanc ceteris omnibus antepono; nempe quòd extrà omnem ancipitis alex iactum posita, torum desiderium hominis (alioquin inexplabile) perficiat, & adimpleat: quip-



## 46 *Oratio de laudibus Theologia.*

quippe quæ in summis, & excelsis verticibus cùm sedē habeat, de rebus magnis loqutura paruulos asuitiam, & insipientes prudentiam docet, cuius guttur veritatem meditatur, & labia de-  
testantur impium. Melior est cunctis preciosissimis, & omne de-  
siderabile ei non potest comparari: Illam comitantur diuitiæ, &  
gloria; cuius fructus melior est auro, & lapide pretioso, & geni-  
mina eius argento electo. O nunquam satis laudatam, ac cœ-  
lebratam scientiam. Tu mysticus hortus cunctis floribus odo-  
rem eructantibus, suauitatem redolentibus, summam fragran-  
tiam erumpentibus condecoratus, in quo summi rector Olym-  
pi, non ad auram post meridiem, vt peccantem Adamum gra-  
tia spoliet, iratus graditur, sed vt pascatur in hortis, vt lilia col-  
ligat, vt myrrham absinthio mistam metat, vt nouum hominem  
gratia nutriat, & gloria fulciat, iucundissimè deambulat.  
Tu hortus conclusus, in quem exterritus ob spineam maceriam  
impius hereticus non irrumpit, vbi Christus verus botrus expia-  
tionis, in valle scælicitatis, vel incisionis exortus, nunquàm ama-  
rissimis botris hereticorum in vinea Sodomorum genitis, & in  
suburbanis Gomorrhæ editis, commiscendus, diligentius asser-  
uatur; qui in torculari cruceo compressus, vinum, non vt fel dra-  
conum, vel vt venenum aspidum insanabile, sed tam dulcem, tã  
suauem emisit, vt in ipso prius abluta, deinde inebriata Ecclesia  
clamare non desistit, quia amore languet. Tu verè es fons signa-  
tus, incorruptas, limpidas, ac puras tanto gloriosius aquas asser-  
uans, quanto diligentius occlusus, ac addito sigillo obsignatus,  
ne quis impostor eas deturpet, tantum viris virtute claris ac bo-  
nitate conspicuis, eas impertiris. En nobilissimè cœtus, quòd  
emissiones eius Paradisus, nempè quòd Doctores Theologi ver-  
bis suis in hunc mundum Paradisum transtulere. Gaude planè;  
atque summa letitia perfundere ciuitas Florentiæ quæ tot tantis-  
quæ priuilegijs, præ ceteris non tantum Italiæ sed Mundi ciuita-  
tibus condecorata cū sis; tñ nihil præstantius, nihil augustius, ni-  
hil horū virorū Collegio gloriosius intra tuos limites oculus mor-  
taliū vidit nullus: Per hos enim agitur tuæ familiæ pax, tuæ sen-  
tentia veritas, tuæ conscientia tranquillitas; Per hos augetur tuæ  
magnificentia fama, tuæ gloria decor, tuorum finium implendor.  
Ac tibi maximè Leo, qui inter Pontifices decimus fulges, plu-  
ris debet tua Florentia ob adauctum fauoribus ac priuilegijs tã-  
tum Collegium, quàm ob adiunctum suæ nobilitati Pontificatū:  
Magis exultat Mediceorū clarissima familia tuas laudes ob pro-  
pagatam




pagatam in suis regnis sanctam Theologiam, quam ob gentilitiæ stirpi insitam papalem mitram. Sed quo non summo exultim gaudio gestiet mea Vallimbrosana religio, quæ inter tantorum virorum numerum, non solum filios summos, & egregios Theologos vidit; sed quod maioris est, proprijs cernit luminibus, & Theologiæ Doctores, & Doctorum principes: cuius gloriosæ nomenclaturæ auctricem hanc diuinam scientiam clamās, discendam, ediscendam, & ut ita dicam, vorandam concoquendam, & quodammodo in succi ac sanguinis naturam conuertendam, filijs suis quotidie demandare non desinit; ab hac enim optimum nomen in Ecclesijs, in cathedris, ac vbiq̃ue gētiū sibi partum, cum maximo animarum quæstu optime intellexit.

Sed quæ tanta potest esse vbertas ingenij, quæ tanta dicendi copia, quod tam diuinum atque incredibile genus orationis, quo quisque vniuersas huius scientiæ laudes, non dicam complecti orando, sed percensere numerando queat? difficilius enim esset orationis exitum quam principium inuenire. Vnde in hac mea acclamatuncula, non tantum quæ aurē vellēant, scilicet amplas, & verba sesquipedalia proiecissem; ut grandiloqui, cū ampla sententiarum grauitate, & maiestate verborum, vehemētes, varij, copiosi, graues, ad commouendos, ac peruertendos animos instructi, ac parati facere consueuerent; verū etiam & quæ necessaria forent penitus non attigisse, vehementer doleo.


Quin de hac, nō secus atque de pulcherrima virgine pexo capillo nitida, calamistro cincinnata, ac trita tunica amicta verba egisse, ac intimam formam, scilicet virtutes animi, omnino reticuisse compertum habeo. Forsan quod tantæ ipsius Maiestati par translatorum, ac epithetorum additio inueniri nequeat.

Quamobrēm ægre ferre soleo, & latine orationi indignari, quod proprijs atque exquisitis nominibus exquisitissimas laudes efferre non licet, quæ tantum penē à comunibus distāt virtutibus, quantum fermē virtus à vitio. Verū quod orationi deest, oro suppleat audientis intellectus, & non quod dixi, sed quod dicere debuerim accipiat.

*Dicebam.*








## ERRATA

## CORRIGE.

pag. 4. lin. 32. partus 1438	partus 1348
pag. 9. lin. 3. Hiverò	Hic verò
lin. 15. totus Theologia	Totius Theologia
lin. 22. Chiroteris	Chyrothecis
lin. 38. per vrgens	perurgens
pag. 11. lin. 33. proponant	proponantur
pag. 12. lin. 3. Dominus	Domini
lin. 5. illi sint quam	illi sint, qui
pag. 25. lin. 12. Albizus &c. Cal. Nou. 1539	1389
pag. 28. lin. 3. asseruant	asseruantur
Archang. lin. 1. Senis, mox	Senis 1551. mox
lin. 6. Dalmaticam	Dalmatiam
August. Phil. lin. 3. enciclepedia	encyclopadia
Barthol. Lapac. lin. 2. relatus 1488	relatus 1428
pag. 32. lin. 4. Gratia. Florentina & ad	Florentina ad
pag. 33. lin. 4. Guil. de Becch. cum dignitate	cum dignitatis
pag. 34. lin. 2. Tac. Tauant. Cal. Iul. 1565	Cal. Iul. 1556.
pag. 38. lin. 3. Michael Pociant. 1575	1565.
pag. 41. lin. 10. Scip. Amir. Obijt circiter 1600.	Obijt 6. Cal. Febr. 1601
lin. 2. Sebast. Tur. octavo Cal.	18. Cal.
pag. 37. lin. 1. An. Dom. 1580	1480.














919

